

錢塘縣知縣南樂魏嶸纂

人物名宦

自史公傳循吏而志書始列名宦尚已乃穢跡彰聞略而弗書何其幸也官錢塘者雖不能如仲由之治蒲子賤之宰單父而召村餘風往往未泯其他噉松之丞仗劍之尉不以位卑而遺斯民直道可以概見志名宦

宋

錢塘縣誌

卷之十六

人物名宦

沈演之

字臺卿武康人元嘉初舉秀才令錢塘有政蹟十二年東諸郡大水民人饑饉錢塘升米三百以演之及尚書祠部郎江邃並兼散騎常侍巡行拯卹許以便宜從事演之乃開倉廩以賑饑民民有生者口賜米一斗刑獄有疑枉悉散遣之百姓蒙賴轉別駕從事史性好舉才申滯而謙約自居推為長者仕終吏部尚書謚貞侯

劉道真

懷敬子元嘉間為錢塘令東上饑楊州治中從事沈演之巡行表薦道真與餘杭令劉道錫為二邪之首最治民之良宰文帝嘉之各賜穀千石以道真為步兵校尉

張祐

高平人元嘉中為錢塘令著能名宋世言良吏者以祐與北平傅僧祐潁川陳氓三人為稱首

蕭赤斧

南蘭陵人大明中為錢塘令遷正員郎赤斧治政為百姓所安吏民請留之時議見許

庾炳之

字仲文潁川鄆陵人以尚書度支郎出補錢塘令治民有績

齊

孫謙

字長遜東莞人齊初為錢塘令御頃以簡獄無繫囚及去官百姓以謙在職不受餉遺追載縶帛以送之謙辭不受去官輒無私宅借空車廐居焉

陳

王沉

字彥流陳時為錢塘令清廉戒慎身無恒祿而居處日貧無宅可憇死之日故吏為營棺柩按沉姓王氏為錢塘令仕至長沙太守南史附在傅翹傳中非姓傅也府縣舊誌俱作傅沉誤今改正

陶籍

字文海弘景之子也仕齊為餘杭令政化如神善于摘伏下莫能欺性頗不檢俄為百姓所訟又為錢塘令下車行政咸謂數十年來未之有也籍好學有才氣為詩類謝靈運時人咸謂康樂之有陶籍如仲尼之有丘明老聃之有莊周云按南史稱弘景不娶無子從兄以子松喬嗣豈籍即松喬耶舊志云

錢塘縣誌

卷之十六

人物名宦

二

云必有所據俟與博學正之

唐

羅隱

字昭諫新城人嘗居池上梅根浦自號江東生光啟間舉進士不第歸吳越王鏐表為錢塘令辟居嘉府朱溫篡唐隱勸鏐舉義兵討溫鏐不能用仕至諫議大夫隱性傲睨爛于詩詞博物饒智譏評人物料事多中至今縣父老相傳奇事佳話必歸隱隱與同姓虬鄴齊名號三羅舊罷江有二氣夜直天及隱與杜建徽生氣不復見說者謂文武氣鍾焉嘗著湘南甲乙集淮海寓言及謨書六十篇行世治績雖少概見而勸義一事大節真日月爭光祀名宦

宋

張君房

字元方安陸人為錢塘令撰潮說二篇所著書甚眾仕至祠部郎中集賢校理年八十卒

方懋德

字元相宣和三年起家胄監授鄂州刑曹改武康尉邑有丐者死于沈氏之門或以誣沈獄已具懋德辨而釋之後遷錢塘令府牒索磚五十萬懋德持不可立庭下屹不去卒罷之

鞏庭均

為錢塘令嘗撰錢塘湖山遊覽記

朱蹕

湖州人為錢塘令建炎三年完顏宗弼犯臨安蹕鳩鄉兵二千前往餘杭欵敵使杭民為逃死計行二十里遇敵蹕中兩流矢傷甚猶屹左右負已擊賊城陷蹕在天竺山遇害咸淳間封顯忠侯廟食錢塘并祀名宦有尉金勝祝威集湖兵遠據葛嶺編竹覆泥為途以禦賊賊辟易數舍執導由南壁入亦遇害鄉民具馬革駢痊錢塘門外楊雲洞與朱同祀

沈菊山

失其名字袁州宜春人由進士知錢塘嘗植菊數百本以自樂晚節益堅適以九月九日沒朱文公輓之以詩云愛菊平生不愛錢此君原是菊花仙正當地下修文日恰值人間落帽天生與唐詩同

錢塘縣誌

卷之十六

人物名宦

三

一脈死隨陶令葬千年如今恐向西郊哭東野無兒更可憐

吳革

淳祐中為錢塘令中興以來錢塘地段多為王宮公府而稅賦尚存民以為病革申請于府為之奏免九年通判臨安府

李祥

字元德無錫人隆興時進士為錢塘丞簿時姚憲尹臨安俾攝錄參邏者以巧發為能每事下有司必監視鍛鍊囚服乃已嘗誣告一武臣子謗朝政鞠于獄祥不使邏者入門既而所告無實具以白尹尹驚曰上命無實乎祥曰既坐譴自甘憲具論如祥意上曰朕幾誤矣卿吾諍臣也賜憲出身為諫大夫祥濠州錄事參軍任終龍圖閣致仕卒謚肅簡

明

黃信中

洪武間任錢塘奉職循理勤公恤下為治以廉約著稱吏民咸愛戴之秩滿當去會知府員缺

部民詣闕懇請上乃擢信申知府
杭州保釐有古循吏風祀名宦

葉宗行

華亭人永樂初以求賢舉隨夏元吉來浙為治
水使者有功擢錢塘知縣居官廉慎一介不取

觀察周新素聞其賢微服入宗行私署偵之他無所
有惟竺澤魚腊一束其家所寄者袖少許明日召宗
行顧出腊示之他令相戒不敢為非百姓稱為一葉
清云錢塘素號衝要賦役頗繁無輕重高下之別民
重苦之宗行酌便宜更役法民頗稱便卒于官民哀
思如失父母周觀察自為文哭祭之有曰惟錢塘之
山水與公萬古同清
人以為實錄祀名宦

鄺彥譽

臨武人以賢良方正舉授四川布政使檢校正
統十年遷錢塘知縣心存惠愛政尚寬平惓惓

以興學為務用薦卽
拜浙江按察使僉事

余本釗

字應明江夏人弘治五年以舉人來知錢塘
有治績嘗雪象人張良誣獄稱為廉平吏云

錢塘縣誌

卷之十六

人物名宦

四

李承式

字敬甫直隸大同人嘉靖丙辰進士初仕錢塘
令節徭寬通善讞疑獄先後用循良薦者四十

餘曠時東南中倭軍書旁午督府胡宗憲多所徵調
一日論錢塘製軍士袴三萬具吏皇駭無措承式令
取布散民間人製一具俄而報命宗憲大悅期大用
後以執法忤憾使者意調令深澤公論惜之去後多
遺思行至姑蘓有款舟者自言錢塘民賴承式雪其
冤願以三百金壽承式曰吾知雪冤耳爾姓名吾不
復憶敢望報耶亟去勿多言其人感泣隆慶
初復為浙江按察使歷山東右布政祀名宦

姜召

字可叔四川廣安州人萬曆初由進士令錢塘性
廉敏一目數行下人一見終身不忘雷厲風行剖

決若神五鼓坐堂皇至午罷衙庭空無人時獨棹小
艇西湖上焚香讀書與諸生譚經義疊疊不倦所簡
拔皆成名士接縉紳以禮一千以私辭色俱屬于權
要更甚在邑八年四境清肅均徭清賦立鄉約置義
倉百廢具舉至今利之仕至僉憲卒于官篋無一錢
時新都范濂與同官推服其才品為藩伯時具告縣

令朱光祚特
祀名宦焉

朱光祚

江陵人萬曆乙未進士令鄖鄂以母喪歸釋服

得錢塘一攝仁和滿四歲收銓部光祚始下車
造請賓客與中涓講釣禮不可則登車返楚中涓以
其賢敬禮之天性開敏善聽訟詞輕者令三老呼之
使自至折以片言皆頭搶地警服若大辟訟責狀誣
即株坐迄任無敢欺之者遂貪猾吏築黠徒隸一切
引繩批根亡敢逃者所全活下戶羸弱無算入錢穀
者令戶自委輸門外續中不以屬胥吏區賦長日稽
六里一月而編計可省上下乾涸金錢六七千緡清
伏匿田地二十六頃湖跳脫地不耕者一千五十二
畝置七坊蓄洩灌新舊田萬畝司民籍口未傳者二
千傳之牘山積蔽日而諸生以文苑至者必撤簿書
欵接身為大都講授經課藝焉十以故傾心向之去
思碑云侯洞視徹聽乃凝于神手握二管殊墨交落
左方右圓靡不如
意其踔絕如此

錢塘縣誌

卷之十六

人物名宦

五

聶心湯

字純中新淦人萬曆甲辰進士令錢塘每慕宓

不齊之為人以父事兄事斷一邑政錢塘為三
劇五衢冠蓋輪蹄與簿書皆輻輳集心湯沉醉明敏
事至即决庭無留牘口甚辯與臺使者悉利害可否
侃侃盡言必得請乃已適南湖木溢錢邑欽賢諸鄉
被災最烈于是建化灣塘次築閘次議濟南湖以清
治其源杭湖數十州縣始免魚鱉次建捍江塘功最
大又以其暇時課諸生藝其瑕瑜處深中人隱治六
年而士民志之以為吾父母爾去一年而思其德
劉石誦之贊曰上非邀名下非市媚于碑見之矣
鄔明昌 字期仲湖廣漢陽人崇禎丁丑進士令錢塘天
性沉毅寡言笑客不與客就坐目注視地嘗三
易茶賓主不交一言而退及故人不敢于私先是
編役法壞縣掾與里胥盤互為奸蠹多以貧下充見
年一月三受笞而豪富者不納如故明昌至廉知之
每一戶給單一凡丁若干田地若干銀若干分爲
四限納一限則截單一角謂之截角單不納者執單
聽此掾胥豪猾之弊一清而上民始得休心入

功中以法副使黃鳴俊直前爭之曰蠲蠲不服斬可也
也以人言而謂之口的盧謔其信之以且科道多風聞
吏部尚核實此舉風聞即核實則
選君不從明昌乃棄官歸武昌

顧咸建

字漢石崑山人以崇禎癸未進士令錢塘直歲
大祲民採律背榆捕野鼠食而可農以粟人
為殿最先至者得高第諸縣催科如東燕薪值糧糶
者比戶懸磬無所存律往德化
抵償乃已人心望感無所適
限粘于門令同甲提議之
滋植我爭先輸反出他縣上

國初

下浙江獨咸建不盡
紀其喪一時
稱為忠義云

徐寄剛

正統間為錢塘丞在職九稔勞心撫字以
廉公署稱滿去民乞留得旨增俸復任
字希節侯官人正德丁卯舉人署錢塘教諭縣
自弘治丙辰王獻後二十年無榜春官者士和

王士和

錢塘縣誌

卷之十六

人物名宦

六

萃諸生日課文講藝親為刪定盡月第其得失勸懲
之家故饒豐酒饌雕盤雜俎與諸生會酒食如親了
弟或貸與金錢不責償諸生感奮凡二十年或進士
者十五人兩分考鄉試晉繁昌令高郵知州調海州
卒年六十

李德陽

淮安人歲貢生教諭錢塘謙和愛士旁邑諸生
慕其高懷亮節多從之游視富陽篆嘗于署中
聞廟山鐘聲頗異乃親往叩擊清越以長餘音似在
鐘簾間曰此桐材也未過中郎淹抑久矣取歸命良
工琢以琴自謂不減焦尾響泉後竟
以此得謗德陽欣然抱琴還淮南

國朝

張文光

字謙明祥符人崇禎戊辰進士順治初奉令
塘浙閩初平山藪未靖羽林禁卒駭驛旁午
煥糧牛馬麥芻水陸驛置皆責諸令令以單驛南
馳日不暇維一斷養者至廳事指畫自端少不意

非以馬箠箠吏頭面破傷州縣吏卒遁去文光至頗
為其情實撤公座于庭設酒饌乃首宣

朝廷用兵之意徐及小民困苦之形利害可否詳為開論
多歡飲而去民賴以安者以最擢吏科給事中文光
好吟咏氣體高爽亦
具風格蓋雅人也

何玉如

字淡巖洛陽人順治乙未進士任錢塘令前三
年所凡所為勸課農桑招集流移興崇學校綏

輯樵採無不備至催科行以撫字聽斷極為神明錢
塘下鄉當若水下流而餘杭南湖又以錢塘為之咽

喉南湖一決未底太湖下鄉先為巨浸玉如以餘杭
若溪雖他邑事實一郡所當爭者因請于上臺中丞
范

大同
知府

均受其利民咸德之又數年陞保定府同知遷山西
梁允植 字承薦真定人以恩貢生來知錢塘性明敏有
幹濟才時杭之患惟逃人營債為最急而二者

錢塘縣誌

卷之十六

人物名宦

七

皆不逞之徒為之勾引允植廉得之于是嚴保甲以
察窩家令自首贖其罪其牽引營債之罪則專責之
民民乃蘇呼更生甲寅閩變總督李之芳移鎮三衢
巡撫田逢吉督兵城守咸以允植為才命以邑令佐
軍與調兵食凡支應滿漢大兵及火炮鉛彈軍器及
解糧餉前後運用船計萬有八千餘號夫役至二萬
餘人皆身先奔命中夜傳呼曲為籌畫俱出召催而
民無怨咨會遷江西袁州府同知特疏

題留命以同知攝錢塘縣事事平擢福建延平府知府
允植風流儒雅樂錢塘山水之勝銳意修葺其志未

成而法民猶歌
頌之有碑記

論口宦何以名賢也然 而循有名吏而酷亦有名

又何賢乎爾日吏去而人思之久而愈不能忘則思

錢塘縣誌

卷之十六

浙省會役繁賦重難於他縣臺使監臨賓客交錯加以山海警備軍馬驛騷撥協夫丁採買供億凡百皆取之於縣仁過則傷務義過則困民是則今之縣較難而仗節居官爲難之又難者已余按新舊志累朝以來令茲邑者四百餘人而見於聶志者纔十七人合之

國朝兼丞簿尉三十有四人何其難也如羅昭諫之忠於唐又長於諷諫顧漢石之忠於明而其憂國之誠愛民造士之摯此其意豈在名乎若夫令之廉名令之

錢塘縣誌

卷之十六

人物名宦

八

惠愛令之威稜令之文采實不同而名同其傳亦有詳有畧余嘗拜瞻祠下慕其名重思其人皆吾所仰止也豈尙有忝於俎豆者歟